

KUMPUAN
RAM LEH HNAM
HUMHALH

YMA

AW



CHANMARI WEST BRANCH YMA CHANCHINBU KAR TIN CHHUAK. VOL. XXIII. ISSUE NO.46 11th Nov., 2012

Ni 11.12.2012 ah Branch OB thlan tum

Chanmari West, 11th Nov : Chanmari West Branch YMA Executive Committee chu Ni 6.11.2012 zan khan Pu RK. Rozidigate inah an meeting a, kum 2013 a Branch OB thlan hun atan Ni 11.12.2012 (Thawhleh) zan an ruat.

Pu T. Ngurk huma Branch President kaihruai hian kumin YMA General Conference kan hman zawh takah khan kan Branch hruaitu Pu RL. Thahnuna chuan hruaitu hlun chawimawina a dawng chu an chhuang hle a, kalna atan a motor thawhtu Pu RK. Rozidiga leh Pu RL. Thahnuna te chungah lawmthu an sawi bawk. Kum tharah chuan tam zawk kal thei tura hmalak nise an duh hle.

Kum 2012 Krismas leh kum thar 2013 chu hlim leh thlamuang taka kan hman tlan theih nan Section-te duty leh nise a ti a, Ni 20.12.2012 - 3.1.2013 chhung duty tur hian a beisei a ni. Veng chhungah halpuah leh puak thei hal lo turin leh dawrkaite pawhin zuar lo turin a ngen bawk a ni.

Kumin 2012 Krismas lo thleng turah hian kan vengchhungah Branch YMA huaihawtin Ni 18.12.2012 (Thawhleh) zanah Krismas Carol Service hun hman nise a ti a. Hun hmandan tur leh tuldangte Branch O.B leh Section tin Leader ten an lo duang dawn a ni. Tin, kan veng chhung hmun laili laite a theih ang angacheimawi tum a ni bawk.

Taitesena Section ten Ni

PUBLIC CONSULTATION MEETING A NI

Aizawl Municipal Council hnuia Ward No VI te tan ni Ni 6.12.2012 zing khan Govt. Middle School-ah Public Consultation meeting a ni a, he hunah hian Chanmari West Local Council, Edenthal Local Council leh Chanmari West veng chhung atangin YMA, MUP leh MHP hruaitu thenkhat an tel a ni. He meeting hi Ward Councillor Pi Zamanthangi chuan a kai hreria a, Pu T. Bualzika chuan inlawmna thu a sawi a ni.

He meetingah hian Property profile and Service Level Survey chungchang inhrilhiah a, sawiho a ni a, he thilin a tum ber chu Satellite

15.11.2012 zana Khawtlang Nun Siamthat chungchanga Nu leh Pa leh Thalaite mawphphurhna tih thupui hmanga inkawmhona an hman turah, Branch O.B leh Executive member te telpui tura min rawn sawmna angin telpui nise tih a ni. Neuba Section atanga Section Sport neih an rawn dilna chu phalsak an ni bawk.

Hunthar nena kan inrina Signboard tar tihchhiat chu, Local Council-te hma la tura Executive Committee in kan ngenna chu, YMA ten tar tur lo siam tur leh a tar hunah chuan a huhova tar nise an rawn tih angin Property Sub Committee ten Signboard tar tur tha takin lo siam se tih a ni.

Kan member Pu Lalsangkima 'K' Section, Civil Hospital a awm, thisen unit eng emaw zat pek tawh chu, Ni 13.10.2012 khan Khuangchera Section member leh midangte atangin 20 units pek a ni a, tlawmngai thisen petu leh sum tumsaktu chungah lawmthu an sawi.

Kan Branch President chu CYMA, Disaster Management Secretary atana an rawn ruat nawn leh chu Committee chuan lawmawm a ti hle.



Kan Branch President Pu T. Ngurk huma chu Central YMA Disaster Management Sub Committee Secretary atan ruat thar a ni a, kan lawmpui hle.



Ni 9.11.2012 khan Central YMA in Electoral Roll Special Summary Revision zir chianna Aizawl khawpui Branch OB te tan Vanapa Hall a an buatsaihah kan Branch OB te pawh an va tel.



Kan Branch YMA Volleyball 2 chu Chanmari West Sporting te hnenah pek a ni.



Springdale School Chanmari West in kumin 2012 a kum 10 an tling chu kan lawmpui hle a, an kal zelna turah duhsakna kan hlan e.



Ni 13.11.2012 khan sapzu um 11 zet man a ni a, zu leh a neitu hi Vaivakawn Police te hnenah pek a ni.



Pu Laltlanchhuaha 'T' Section te chhungkua chuan Hunthar nena kan inrina hmuna tar tur welcome sign board min pe a, an chungah Branch Committee chuan lawmthu a sawi.



Branch Executive member Pu C. Zonunsanga nupui Pi Lalremluangi chu Hospitalah a awm a, dam taka a lo chhuah leh thuai theih nan duhsakna Branch Committee chuan a hlan.

LUSUN KHAWHAR

Ni 5.11.2012(Thawhtan) tlaikhan Tv. Lalruatsanga, Kum 26, Pu Lalrinawma Hnamte 'K' Section te nau chuan min boral san a, khawhar chhungte kan tawrhpu hle.



TUNKAR CHANGVAWN

Unaute u, Pathian khawngaihna avang hian, inthawina nung leh thiangothlim leh Pathian lawm tlak ni turin, in taksa chu inhlana ka ngen a che u, chu chu in rawngbawlna awm reng a ni.

Rom 12 : 1

Editorial Board

Editor:	J.Lalnangliana	9862399658
Joint Editor :	Lalchhandama	9862358347
News Editor :	Thangkhuma R. Lalrinngetha	9862303135 9862358337
Cir. Manager :	Jacob Lalrinsanga Johny Lalthanpuia	9612319779 9612359161
Production Manager :	EVL. Hruaitluanga R.Lalhmachhuana	9862655426 9436151817

Branch Office Bearer

President	T. Ngurkhuma	9436190843
Vice President	R. Lalhmachhuana	9436151817
Secretary	RL. Thanhnuna	9436152760
Asst. Secretary	Zairemmawia	9862385654
Treasurer	C. Lalzarliana	9436142049
Fin.Secretary	K. Darthantluanga	9436196071
Adviser-te :	Pu Lalbiakthanga Khiangte Pu Rothuama, Pi Zamanthangi Pu Lalrengpuia Sailo	

Editorial :

Kum tawp kan lo hnaih leh tan ta a, boruak a la vawt lutuk lova, hun nuam takah kan awm mek a ni. Rokunga'n 'awmlai vei leh lusun fate chan tawk hi dawn ve teh' tia harsatna hrang hrang tawkte a lo vei hun a lo ni dawn bawk a, hunpui lo thleng tur avang a lungleng mi tan chuan kum hlui thlira lunglen hun boruak nuam a ni a, kum thar lo thleng thuai thuai se, kum hlui hi liam tawh se ti pawh kan tam ngei ang.

Hetiangka kum tawp kan lo hnaih takah hi chuan pawl hrang hrang kan intuaithar a, khup uaithlate tan tan lak thar hun a ni a, a tlangpui chuan kan chak thar deuh ni pawhin a lang, a lawmawm hle a ni. Eng kawngah pawh hian a tawp tawp that hi a pawimawhem em a, chuvang chuan hnu kan khar tep ta bawk a, hruaitute leh memberten tan in la thar leh teh ang u.

Kum tawp hun kan duang tan hlawn a, pawl hrang hrang hruaituten kan hun duan dan kan inhriatpui a, kan inzahtawn sak a tha khawp ang. December thla hun reilote chhungah hian thil tam tak tih kan tum si a, chuvang chuan hun duan leh hman dan pawh kan thiam a ngai khawp ang. Chutihla in hlim taka kan hman tlan theih nan hnawksaka awm thinte khap beh kan tum tur a ni.

2012 Thuvawn

I awmdan tur chu LALPA chungah nghat la; Amah chu ring la, aman a ti vek ang.

Article : AIA UPA ZAHNA (ZO NUN MAWI)

- C.Chawiliana

Zo nun, zo nun mawi,
Tap tapin ka au ding zo si lo;
Zo nun, zo nun mawi,
Liam lovin la cham rih hram rawh aw.

Hmanlai kan pi leh pute hunah khan nun dan mawi an hman thin, tunlai thangtharte entawn tlak tam tak a awm. An nun kha tlawmngaihna te, huaisenna te, rinawmnate leh aia upa zahnate khan a vet chhuak vek a. An tlawmngaihna te, then leh rual inzahtawnna te, an inthenawm khawvennate bakah khawtlang tana a tangkai zawnga an nun dan te, a tha zawnga an huaisenna te, an taimakna te, an rinawmna leh chhelna zawng zawng khan Zoram a tihmingmawi a, a huhova chen a nawm phah bawk a ni. Heng an nun hlu tak avang hian a ni awm e, Bawrhsap hlui Major Mc. Call, ICS (1931-43) phei kha chuan 'Hetiang khawpa nun tha leh ropui hetiang hnam mawlin an rawn pu chhuak thei hi, an hmanlai nun hun eng emaw vel lai khan hnam ropui zawk China ang zingah an awm tawh a ni ang e,' a lo ti hial. Aia upate zah chungchangah chuan China-ho leh Japan-ho hi khawvelah an hmingthang lawr hle a, an nun mawi tak chu khawvel hnam dangten an ngai ropui hle a, an nunphung chu 'Eastern Culture' an ti hial reng a ni. Kan pi leh pute huna an nunphung, aia upate an zahna leh hawihhawmna enin China-ho leh Japan-ho aiin an hniam bik hauh lovang le.

Tun tumah hian an nun peng hrang hrang kan sawi hman dawn lo va, aia upa zahna, an nun peng khat chauh kan sawi dawn a ni. Changkang zawk leh fing zawka inngai tunlai Zofate tan inenfiah nan a tha ngei ang.

AIA UPA ZAH : Ahming ringawt pawh hi a mawi hle. Pi leh pute huna an inzirtir ngun ber pakhat a ni reng a. An inzirtir ngun ang ngeiin naupang zawkten an aia upate an zah thiam reng a ni. He nun mawi tak zirtir tur chuan mipa naupangte thingnawi fawm rual an nih veleh Zawlukkah an thing fawm zan tin an keuhtir ziah thin. Anmahni enkawltutten taimak leh thuawih an zirtir tan a ni. Naupang lamin an tih tur an tih loh vah chuan na takin val upaten an hrem a, thu awih lo chu dinhualin an "sih sawi" hial thin. Chuvangin naupang thuawih lo chu an zilhhau mai thin, upa zawk an tirkna apiangah, zan thim kar leh ruah sur bur bur karah pawh an tirk phawt chuan châk zawk ang maiin an kal thuai thin. An aia upa zawkte tirkna chu hnial thieng lovah an ngai tawp mai a ni.

1. Ram lamah : Pi leh pute hunah chuan a huhova ram lama kal a awm thin. Ramhnuiaia riahbuk sual a tul changin tlawmngaihna thawk tam ber nih an tum theuh thin. Khaw en laia tih hman loh pawh ni se, a tul phawt chuan zanah riahbuk thing fawm te, hnah lak te, tui chawi leh chawmhmeh zawkte hreh hlek lovin, châk zawk ang hrimin miten an tihkhalih hlauvin an ti thuai thuai thin. Ramhnuiaia chuan upate an duat êm êm a, upa ber phei chu hna hahthlak an thawhtir ngai lo. Zing thawh lamah aia upate thawh hmaa rawngbawl fel vek an tum thin. Miin an thawh khalih hlau reng rengin zan

lamah an mu tam lo hle thin. Hmun hlauhawmah phei chuan zankhuaa thingtuah tlaivar zakte a ngai a, chutiang hunah pawh chuan thing chhawm nungtu nih theuh an tum thin.

Ram kalkonaah hian upate chu rit takin an kaltir ngai lo va, chhawk theih awm apiang chhawk zelin zang thei ang berin an kaltir zel thin. Kawng tluangah chuan a upa ber apiang hma an hruaitir a, midangte chuan an zui diah diah thin. Kawng pik leh tawn ngai apiangah chuan tlangval tlawmngaithe bawkin kawng satfai turin hma an hruai thung thin.

Sa pela ram an chhuah change leh sangha an tlangvuak change hian upaten sa chhepin an sem thin, tumah duhsak bik nei lovin an sem thin. Upa zawkte thil semah tumah an vui ngai lo. Sapelnaah sa kah tur tam tak hmu mah se, upa berin thal a thlah hma chuan naupangin an thlah ngai lo. Tin, sa pawh a rualin kap sela, upa zawk salu a chang thin, chu chu upa sakah an ti thin. Lo tur ennaah pawh a thleng hmasa an lal thin na a, an thlen rual chuan a upa zawk an chang thin.

(Pu Chawia hian he article hi Literature Sub- Committee Chairman a nih laia a ziak a ni a, a sei tham deuh avangin, a la zo lo, a tha si a, chhuah zawk loh atan chuan a uiawm bawk si a, karlehab kan chhunzawm leh mai ang, Ed)

VANAPA

Ni 10.11.2012 (Inrinni) khan nilengin High School Field-ah Vanapa Section Sport (Day 3)an hmang a, member-te an hlim tlang hle.
 Pi Ramhluni m/o Tv Vanlalhriata chu a ban a tliak a, a dmam leh thuai an duhsak hle.
 Oct - Dec atana OB In Charge, Pu RL Thanhnuna, Branch Secy, an nei chu an lawm hle.
 Chhungtinte mahni in leh a vel vawngfai theuh turin an inchah a, bawhhlawh paih motor-ah chauh bawhhlawh paih thin turin an inhriattir.
 Dec Ni 7 zana neih tur VANAPA NITE atan an inbuatsah mek.
 Vanapa chanchin (Essay) ziak zo tawhte chuan Pu H. Vanlalvena emaw Tv R. Lalrinnghta te hnenah copy 3 thehlut turin an inhriattir.
 Dec Ni 7 zana neih tur VANAPA NITE atan an inbuatsah mek.
 Vanapa chanchin (Essay) ziak zo tawhte chuan Pu H. Vanlalvena emaw Tv R. Lalrinnghta te hnenah copy 3 thehlut turin an inhriattir.

KHUANGCHERA

Ni 29.11.2012 atanga Ni 04.12.2012 chhung hian Sport hmanga intihhlimma neih an tum a. Hetiang hian Group then a ni: Lalrinmawia Pawl - Colour : Red, VL. Huma Pawl - Colour : Green, K.Darthatluanga Pawl - Colour : Yellow, H. Laltanpuia Pawl - Colour : Blue
 Item neih tum te chu:

Indoor Games : Volleyball (W&M), Solo, Group singing, Extempore Speech, Faifuka inzaisiak, Hlado chham

Outdoor Games : Football (M), Throwball (W), 100m Race (M&W), Group Race, Ketaminu Race(W)

Member zawng zawng tel thei vek tura lo inbuatsah turin an inhriattir.

Bungraw hmangtuten a dahna hmunah felfai taka dah leh thlap turin an inngen.

Section huam chhunga dawr nei zawng zawnge puak thei thil zuarlo turin an inhriattir.

Rukruk venna pakhat atan chhungtinte pawn light chhi tlaivar turin an inngen.

Tunkar hun remchangah Section Committee meeting tum a ni a, memberte hunawl lo insiam theuh turin an inngen.

CHAWNGBAWLA

Ni 13.11.2012 (Thawhleh) hian High School field-ah Section Sport tur a ni a, he hunah hian Football khelh tur a ni a, member a tam thei ang ber kal tur a ni. House hrang hrang leaderte phei chu kal hma deuh tur a ni.

“Pu Chunga Memorial Essay Competition” an buatsah a, thupuiyah “CHANMARI WEST HMATHLIR” (YMA lam atangin) tih a ni. A sei zawng hi thumal 1000 bawr vel tur a ni a, Ni 25.11.2012 aia tlai lovh Section Secretary hnenah theh luh tur a ni ang.

Vawiin tlai Dar 3.00 hian Pu C. Sangpuia inah Section hravaitute inhmuhkhawm tur a ni e.

An secretary Tv. H. Lalrinmawia chu Youth Festival hmangin Itanagarah a zin mek a ni.

December thla hian Section Project closing function, beat contest, solo competition hun hman tum a ni a, hma chak zawka lak a nih theih nan sub-committee an din a, chairman-ah Pu oh! Tv B. Lalsawmzuala leh Secretary-ah Pu Lalbiakzuala Sailo an ruat a, anni hian Section OB bakah member mi panga an ruat dawn a ni.

TAITESENA

Ni 15.11.2012 (Ningani) zan dar 7:00 hian 'Khawtlang nun siamthat chungchanga nu leh pa te leh thalaite mawphurna' tih thupui hmangin Pu C. Sangkhuma in chungah inkawmho tum a ni, section chhung nu leh pa te leh hravaitute chu kim taka kal turin an ngen.

Ni 15.11.2012 zana meetingah hian Branch hravaitute leh YMA Aw Editorial Board te an sawm.

Ni 15.11.2012 zana hun an hman tur hetiang hian programme duan a ni: Hruaitu - Pu R.K. Rozidina, Leader Hunserh - NI. Lalhlaumanpui, Trea Paper Present - Pu C. Lalzarliana, Branch Treasurer/OB incharge

Sawihona hun buaipuitu - Pu C. Lalmuankima, Asst. Leader

Coffee tui tak inho a ni ang.

Ni 15.11.2012 zing karah hian hravaitute Pu C. Sangkhuma in chungah hnatlan tur a ni.

An hravaitu Pu C. Zonunsanga nupui Pi Lalremtluangi Ni 8.11.2012 a Aizawl Civil Hospital-arlphir paih chu dam taka a lo chhuah ngei an beisei.

An section bungruate enfelin list fel tak siam a ni a, incharge ten uluk tak a enkawl zui turin an inhriattir.

FOOTBALL PLAYER TAN

Mangheta Ralte

Qualified Referee (MFA)

Khawvel ram hrang hrang Football khel tute'n Dan thuhmun kan hman theih nan Football Khawvela thuneitu sang ber FIFA chuan Laws of The Game a duang chhuak a, chungte chu

Law 1	The Field of Play
Law 2	The Ball
Law 3	Number of Players
Law 4	The Players Equipment
Law 5	The Referee
Law 6	Assistant Referee
Law 7	The Duration of Play
Law 8	The Start of Play
Law 9	Ball In and Out of Play
Law 10	Method Of Scoring
Law 11	Offside
Law 12	Fouls and Misconduct
Law 13	Free Kick
Law 14	Penalty Kick
Law 15	The Throw In
Law 16	The Goal Kick
Law 17	The Corner Kick

LAW 1- THE FIELD OF PLAY

- Length-Minimum 90m, Maximum 120m
- Breadth-Minimum 45m Maximum 90m
- Penalty Area - 40.32 x 16.5m
- Goal Area - 18.32 x 5.5m
- Goal - 7.32m (Between the posts) leh 8ft (Goal Bar)
- Penalty Spot-11m (From Goal Line)
- Penalty Arc-9.15m (from Penalty Spot)
- Centre Circle - 9.15m (Radius)
- Corner Flagpost - Minimum 5ft and non-pointed tip
- Corner Arc-1m (From Corner point)
- Line Marking-Maximum 5 inches.

NEUVA

Hun remchang hmasa berah Section Sport tum a ni, memberte lo in ring lawk turin an ngen. Sport Sub-Committee-te hun remchang hmasa berah thutkhawm an tum .

An member pahnih Lalhmgangaihzuala (Valtea) leh Zoramthanga (Zotea) ten kawppui tha tak an nei chu an lawmpui hle a, hlim taka hun an hman zel theih nan duhsakna an hlan.

Ni 8.11.2012 (Ningani) zingkar khan section sumtuakna atan a Sangha zawrh a ni a, hnatlang a thawk chhuak zawng zawnge chungah leh flawmngai a lei saktu zawng zawnge chungah Committee chuan lawmthu a sawi.

Section member leh hravaitute YMA Activity hrang hrang leh mitthi an awmin Tlaivar, Khawhar in kal leh thlanlaih lam a hma la sauh sauh turin an inngen in an inchah.

Central YMA

» Ni 6.11.2012 khan CEC Meeting neih a ni a, he meeting hian kum 2012-2013 chhunga Sub-Committee Chairman leh Secretary te an ruat thar, hengte hi CEC Member an ni nghal. Sub- Committee thenkhat chauh kan han tarlang e.

1. Kumpuan :

Chairman : Lalbiakzuala, V. President Secy : Vanlalzuiliana, Dawrpui Venghar

2. Cultural :

Chairman : B. Rothangliana, Tuivamit Secy : Lalhmingmawia, Mission Vengthlang

3. Disaster Management :

Chairman : Lalrammuana, Dawrpui Secy : T. Ngurkhuma, Chanmari W

4. Education :

Chairman: Lalnunmawia, Ramhlun S Secy : Z.D. Sangkhuma, Dinthar

5. Finance :

Chairman : R. Vanlalsawma, Republic Secy : Lalchangliana, Sakawrtuichhun

6. Legal :

Chairman:Lalhmachhuana, Chaltlang 'N' Secy: F. Hmingthanzauba, Tuikual N

10. Literature :

Chairman : R. Vanlalawmpuia, Salem. Secy: R.Lalbiakthanga, Zemabawk N

11. Project :

Chairman:PC. Lalropara, College Veng Secy:LallawmawmaChenkual,Bungkawn

12. Recreation :

Chairman : Vanlalthuanga, Hlimen Secy : K. Lalramhluna, Venghnuai

13. Sports :

Chairman:LalrochuangaPachuau,Zarkawt Secy : R.Lalvensanga, Khatla S

14. Training & Youth Affairs :

Chairman:Z.Dengthansanga,Armed Veng Secy : Vanlalmuana Pautu, Laipuitlang

15. Editor, YMA Chanchinbu

Laldawngliana Tochhawng, Kanan

16. IGNOU Co-ordinator

Dr. C. Lalhlengliana, Maubawk

» Mizoramah YMA Library nei Branch 392 an awm a, Park/Reserve nei Branch 287 an awm bawk.

» Ni 9.11.2012 dar 2:00pm hian Vanapa Hall-ah Aizawl khawpui chhung Branch YMA OB zawng zawnge chu Electoral Roll Special Summary Revision chungchang sawiho a ni.

KEIMAHNI

» Pu VL. Huma K Section chuan kan thingpui hmeh leina tur min tum sak a, kan va lawm tehlul em.

» YMAAW semtute thil pek kan duh a, Section Secretary ten a ranglama an hming min pe turin kan ngen che u

ZOFA NEWS

» Ni 30.11.2012 (Inrinni) hian Thalfavang Kut, Hmuifang tlangahman turah Khuallam entir tur a ni a, member-te lo inring turin an inhriattir.
» Tun thla chhung hian Falkawn-ah leh Hmuifang Tlangah te Film chang turin an buatsaih mek.

VOLLEYBALL MANAGING BOARD

» Zarkawt Recreation Centre-ah Zarkawt Volleyball Club-ten Ni 13.11.2012 hian Aizawl North-III MLA Volleyball Running Trophy a buatsaih dawn a. He Tournament-ah hian Team hnih (2) chhuah tum a ni a, veng mipuite tawiawm theuh turin an sawm.

» Ni 12.11.2012(Thawtanni) tlaiah Hruaitute leh Player zawng zawnge Practice -na hmun, Indoor Stadium-ah kim taka kal vek turin an inhriattir.

PEM LUT

- Pu Ramfangzauvate chhungkua chu Chawnpui atangin Pu Lalringzuala 'N' Section te Inah.
- Pi Lalbiekrawn Tamhrangte chhungkua chu Muolhoi,Halflong atangin Pu Lalremruata 'N' Section te Inah.
- Pu Lalkhawngaihzialate chhungkua chu Edenthal atangin Pu R. Ramfangzauva 'N' Section-te Inah.
- Pu K.Zathangate chhungkua chu Chanmari,Aizawl atangin Pu RK Sapa 'N' Section-te Inah.

NGENNA

Mizoram Registration of Births and Deaths Rules 1978 in a tarlan angin, naupiang leh mitthi zawnge zawnge Registrar of Births & Deaths hnenah pian/thih atanga ni 21 chhunga in report vek tur a ni a. Tin, kan veng mi Damdawi In a thi ni lo mahni In leh hmun danga thi leh piangte chu kan veng bialtu Pu PC. Lalringliana (Sena) Taitesena Section hnenah thih atanga ni 21 ralhma ngeiin report pe ngei tura ngen kan ni e.

NGENNA

Kum 2012 Krismas leh kum thar 2013 lo thleng turah kan veng chhungah Halpuah leh Halmawi lam chi hal lo turin kan innge a. Tin, silai lem a mu nei chi pawh khap a nih avangin nu leh pate pawhin kan fate tana leisak lo turin kan innge a, dawr neite pawh Halpuah leh Halmawi lam chi leh silai lem a mu nei chite zuar lo turin kan innge a ni.

SMS

SMS thawnnat tur : 9862358337.

» Bawlhlawh paib man hi in tina a meikhu chhuaka khawn a ni a, Motor rawn kal hre phak lo tam tak kan awm bawk si a, point hrang hrangah hian Bawlhlawh dakhawmna siam mai a tha lo maw le?

97744978166

» Ingaihtuah chiang tlang teh ang u. Inhlawhfa rate hi a thenin Rs 200-in an chhawr a, a thenin Rs 250 in a n chhawr bawk si a. Veng tam zawkah chuan Rs 250 a ni tawh a, rual khai zawka tih dan a awm lo maw?

9612735415

» Nungcha humhalh tawh a nih laia sava veh ching tlat kan la awm hi a mawl thlak viau lo maw, sava veng ching khan sim teh.

9832736408

» Khawhar ina zai hunlai a zai lova Mobile khawih niap niap ching hi chuan an la nei rei lo tihna a ni tlangpui.

9612319779

SMS kan dawnte hi Editorial Board ngaihdan a ni vek kher lo.

Badminton Club

» Kar leh hun remchangah committee koh tum a ni a, member-te hunawl remchang lo insiam turin an inhriattir.

» Veng chhung mi, Badminton-a tuite chu thahnemngai taka practise thin turin an inchah.

CWSC

» Indoor Stadium kawt lungrem hna thawh tan a ni a, hnatiang neih thin a ni a, hnatiang tura lo inring reng turin hruaitute, member te leh Player-te an inhriattir. Zirtawp zan leh Inrinni zing khan lung thiarin an hnatiang.

» Chanmari West Branch YMA-in CWSC te Volleyball tha tak mai pahnih an pe chu an lawm hle.

Pu Chunga Memorial Essay Competition

- Chawngbawla Section chuan
- Pu Chunga Essay Competition
- member pual tan a buatsaih a, ziak
- turin member zawnge zawnge a sawm
- e. Thupui "Chanmari West Hmathlir" (YMA lam atangin).A sei
- zawnge : Thumal sangkhat vel. Ni
- 25.11.2012 thleng Copy thum
- siamin Chawngbawla Section
- Secretary hnenah thehluh theih a ni.
- Lawmman : 1st prize - Rs 2000.
- 2nd - Rs 1000, 3rd - Rs 500 leh
- Consolation a awm ang.